



COMUNU DE SESTU

PROTETZIONI TZIVILI - TZENTRU OPERATIVU COMUNALI



Su servìtziu de Protetzioni Tzivili est costituiu de totu is atividadis po s'amparu de sa genti, de is animalis, s'ambienti e is insediamentus produtivus in situatzionis de calamidadis.

Su servìtziu de Protetzioni Tzivili traballat a livellu tzentrali, regionali e locali, arrespetendi su printzìpiu de pratzidura de is funtzionis, po nd'assegurai sa presèntzia de is arresursas umanas, màchinas e capassidadis operativas po interвени in s'emergèntzia, ma fintzas po prevenni e prevediri, candu est possìbili, is degòllus.

Sa primu arrespusta po dònna arratza de emergèntzia, depit essi garantia a livellu locali, a incumentzai de sa struttura comunali, s'istitutzioni prus acanta a su tzitadinu. Su primu responsàbili de sa protetzioni tzivili in dònna comunu est po custu su Sìndigu. Candu s'emergèntzia non si podit afrontai cun is arresursas a disponimentu de su comunu, intervenint is livellus prus artus cun d-una atzioni integrada e coordinada: sa Tzitadi Metropolitana, sa Prefetura, sa Regioni fintzas a coinvolgi su Stadu candu nc'est un'emergèntzia natzionali.

Su Comunu de Sestu at istituiu su Tzentru Operativu Comunali (COC) responsàbili a livellu locali de is atividadis po sa diretzioni e su coordinamentu de is servìtzius de sucursu e de assistèntzia a sa populatzioni.

<https://www.comune.sestu.ca.it/index.php/protezione-civile-coc/>

BULLETINUS E AVISUS DE SA PROTETZIONI TZIVILI SARDIGNA

Innoi nci funt is bulletinus e avisus de sa Protetzioni Tzivili Sardigna (<http://www.sardegnaambiente.it/protezionecivile/>).

<https://www.comune.sestu.ca.it/index.php/protezione-civile-coc/protezione-civile-sardegna/>